

祥符縣志

祥符縣志卷之五

建置志

城池 關門附 學校 書院社學附 宮室 兵衛

街鎮 坊表附 市集

以上分上下二卷

豫順以動建置之道也不有城池其何能國宜首列焉建國君民教學為先故學校次之曰止曰時築室於茲故宮室次之是兵宜足也故兵衛次之是民宜聚也故街鎮市集次之關門附

祥符縣志

卷五

建置  
城池

一

城池書院社學附學校坊表附街鎮各從其類矣豫州以卦得名而祥符實領羣邑易之順動覘其先焉爰合志建置

城池

府城者宋之內京城也外城曰新城又曰土城今僅存形跡歷代創建修築列左

祥符縣城即開封府城凡以下增建修築祇依歷代本名紀之皆以省以府不以縣懼僭也

唐

建中二年節度使李勉創建汴州城

二南曰順天北曰金輝北門四中曰通天南  
長景次東曰永泰西曰安肅汴河上水門南曰  
大通北曰宣澤汴河下水門南曰上善北曰通  
津惠民河水門上曰普濟下曰廣利廣濟河水  
門上曰咸豐下曰善利上南曰永順其後又於  
金輝門南置開遠門至政和改修詳見古蹟志  
宋孟元老東京夢華錄云東都外城方圓四十  
餘里城壕曰護龍河濶十餘丈壕之內外皆植  
楊柳粉牆朱戶禁人往來城門皆甕城三層屈

曲開門惟南薰門新鄭門新宋門封邱門皆直  
門兩重蓋此係四正門皆留御路故也南城一  
邊其門有五正南曰南薰門東南曰陳州門傍  
有蔡河水門西南曰戴樓門傍亦有蔡河水門  
東城一邊其門有四東南曰東水門乃汴河下  
流水門也其門跨河有鐵裹牕門遇夜如闌垂  
下水面兩岸各有門通人行路出拐子城夾岸  
百餘丈次曰新宋門次曰新曹門又次曰東北  
水門乃五丈河之水門也西城一邊其門在五

曰新鄭門次曰西水門汴河上水門也  
曰萬勝門又次曰固子門又次曰西北水門乃  
金水河水門也北城一邊其門育四從東曰陳  
橋門次曰封邱門次曰新酸棗門次曰衛州門  
新城每百步設馬面戰棚密置女牆旦暮修整  
望之聳然城裏牙道各植榆柳成陰每二百步  
置一防庫貯守禦之器有廣固兵士二十指揮  
每日修造泥飾專有京城所提總其事

按此較宋史畧詳更有互異錄之以備參考

金

正大四年浚汴城外壕

金都城門十四曰開陽宣仁安利平化通遠宜  
照利川崇德迎秋廣澤順義迎朔順常廣智元  
以後多湮塞

元

至元二十七年修汴梁城

明

洪武元年重築河南省開封府城

隅斥鹵水國又今百五十年故其城若門雖大  
勢巍壯而中損蝕者不少矣嘉靖元年太監呂  
公來鎮茲土登城躡樓俛仰者久之仍慨然而  
嘆曰諺有之曰些小勿補直至尺五是城也乃  
今修之費猶省也夫門者城之喉樓者門之冕  
也城修宜自門始於是集三司長暨庶尹羣吏  
議城事已又謀之撫按之臣僉曰動大眾者占  
之人舉大事者審乎時事莫大於城城非大動  
衆不集今兵饑疫癘我民未和記有之曰因天

事天因地事地度時未若占人人今靡和其何  
城之爲呂公曰嗟天下不有惠而不費勞而弗  
怨者乎是城也先其五門及西門關土城若門  
計費萬金耳今無礙帑金若干斤更稍稍益之  
便足矣夫汴舊京也游食者夥饑則歸之益衆  
城之役誠計日傭之菜色可活而亡命可收也  
如是則不動衆而大事集矣僉曰竊又聞之事  
無巨細人存則行是城也前修之者屢矣然上  
侵而下漁費倍而效寡又土木之役破除易而

難呂公曰嗟利弊由人耳苟子之不欲  
不竊余嘗奉命修京之東門矣人無玩心  
耗財是城也舉動不中厥惟予咎於是巡  
熟都御史何公巡按御史王公清軍御史喻公  
暨三司長稔知呂公賢又計帑金得十之六七  
會又有東寇閉城而門之樞朽銹葉爛脫於是  
僉議始同而城之役興矣是役也始於東門程  
能計日經費節力獎勤黜惰勾稽有簿大持小  
維工傭稱事執信布義聽其自來凡城之材礪

鍛甄堊木石樵炭膠角顏采皆公市平取官靡  
告困民罔知勞一門旣一門繼五門旣土城若  
門繼行之有序匪棘匪紓革之仍之各適厥中  
於是撤朽剝蝕植頽築虛凸凹宗鬻濬淺䟽塞  
遠而望之樓櫓翬赫粉堞煥如堅者屹屹深者  
鬱鬱直者律律橫者翼翼迫而察之石楣鐵樞  
梁臥衝隍塹縈輸蓋一夫當關萬夫莫前者  
登而覽之嵩行失險大河奪色俯而視之司  
府填委倉庫充實旌棨甲冑周廬是嚴足以域

民威暴壯氣助武然計之則費省要之則功倍  
斯何也所謂事無巨細人存則行者也巡撫王  
公巡按喻公清軍戴公之來頗亦異同於斯城  
及見呂公賢乃亦咸相於厥成乃呂公則愈心  
於城事時時出督勞之曰嗟爾官爾工爾傭母  
欺母玩母自阱爾躬是故一門成則盡徙其餘  
於他門卽拳石塊礫寸鐵尺木敝杵壞畚無妄  
棄者汴之爲水也出城則甘於是呂公周覽而  
嘆曰嗟設卒有寇至小門扃大門鑰乘障之士

瞭陣之子手麾之吏渴也奚救之矣乃默禱於  
門穿六井皆甘是時布政左使劉公右使宋公  
實經厥費按察使張公都指揮徐公贊畫爲力  
乃僉議伐石爲碑樹之南薰門月城亭焉以紀  
實詔來且張城大修之本也城門故各有廟是  
役也亦各新之而嚴其祀或問李子曰先王之  
建都也必城焉急然孟子則云固國不以山谿  
之險何也李子曰斯惡夫專事地者也非天不  
生非地不形非人不成是故先王之爲治也內

外交飭本末具修順時豫防設險爲固人屬  
和守戰是憂故曰重門擊柝以待暴客故城  
民之扞也障內而嚴外者也雖然詩有之矣  
趙武夫公侯干城又曰宗子維城故不天則  
不地則害不人則空故人者本也孟子所謂  
利不如人和者也善爲治者本末列內交飭  
共修可也故書之

萬曆二十八年巡撫曾如春增建敵樓

明陳所蘊增建敵樓碑記云河南行省治大

祥符縣志

卷五

建置  
城池

九

大梁故宋建國地其城卽宋內京城周可二  
里而遙蓋藝祖仍周舊無所恢拓真宗朝始更  
而大之爲四十里則今外土城云外城 圯  
僅存故址內城以甃石故獨完好萬雉雲 屹  
屹言言望若列嶂壯都會也惟是敵樓 如所  
從來久吏於茲土者後先得代去置不問未  
及創建者 萬曆己亥臨川曾公以太 丞  
錢 兩河建牙其地一日偕藩臬渚大  
四顧而 曰城以衛國樓以翼城匪直篇

美也緩急世所時有敵壘在郊惟是守望爲兢  
兢受兵登陴之士勢不能不踐更番休蓐食於  
是焉在且也晝堪終日暴雨宵堪竟夕蒙霜露  
乎風雨不時至能任其漂搖淋漓乎矢石之彈  
射將坦腹而受不一趨避乎不待敵人攻我我  
業已坐而自困矣卽金城千里何爲是當亟議  
早圖者顧安所得金錢爲營度費於時方伯姚  
大夫進曰明公爲一方計深遠不佞敢仰承不  
腆筦庫所積竒羨若而金計足充聚材鳩工用

旦夕俟命母徒爲中奄攫取以歸尾閭中丞乃  
大喜過望謀於部使者東明崔公崔公良以爲  
然卽日命官董事不踰月告成矣嗟乎大梁地  
四衝東接齊魯南走苾碭淮泗西隣秦晉北抵  
韓趙南界蘄黃襄郢地勢平衍無重岡複嶺爲  
界限四方有變禍未有不中於梁者梁之地勢  
固戰場也方今天下雖陸讐水慄無敢尋曠林  
之戈弄潢池之兵窺左足而先發者庶幾可幸  
無事顧自採金權稅之令下而四方小民莫

旦夕命迫而思動憤而思 斯亦 火積  
日也一旦禍變勃發駭而圖之其能及丁齊  
伐魯圍成季孫叔孫帥師城成春秋書之以志  
譏經國者不能先時修備敵人臨境 後 版  
築嗚呼晚矣茲樓之建所謂未雨而徹桑 未  
濟而懷衣裯者也始事於某年月日竣 於其  
年月日麗景門直抵仁和門而止凡 楹  
罔官損役靡農妨睥睨相接罟罟相望  
直丹堊相耀如翼如堂斯棘斯革樓既 大夫

祥符縣志

卷五

建置  
城池

十一

相與落之登樓四望太行嵩室居然在几案  
大河湯湯僅如衣帶城之大觀於是乎借  
固有先聲而後實者斯臺斯樓成若增而 若  
埤而厚固先事伐羣不逞之謀而預  
窺伺之志異日者父老子弟攫城 時  
追頌中丞方伯永賴不朽功當亦 以不  
言爲匪誣矣

華錄記汴城云今之

城之外 許有海濠

四圍濶數十丈深四五丈東西水門二座開  
久矣舊址僅有存者相傳東京臥牛城三山不  
令顯五門不令相對也城以臥牛名者城枕大  
河牛土屬土能尅水也西城重門相向其牛之  
首乎直吞河雒而來王氣也餘則三四重門轉  
折而不衝向其牛之足乎盤曲臥鎮參差其形  
惟靜可以制動也城外東北堤畔仍有一大鐵  
牛遙望河澣鎮之是有取乎名之也三山者夷  
門三山在府城之內大梁門南有山之形今業

已成城矣不謂之山通衢里巷夷坦迤衍更不  
見夫山迨河水入城渰沒有深至三四丈二三  
丈者自西門迤邐東來至大爪隅首水僅二三  
尺深者通藩府東折至山貨街水僅一二尺再  
東折而北去至土街水不盈尺而止高下起伏  
觀夫水而從可知山矣去城七八里許有土城  
僅有土基孔道存焉週圍約四十餘里其門尚  
有存宋時之名如東南陳州門東北酸棗門而  
已其北爲陳橋門封邱門衛州門南則戴樓門

西則今稱爲鄭門本順天門固子門本金耀  
歇茲門本萬勝門水門本利澤門併其名而亦  
不存矣城之變遷有如此

皇清

康熙元年巡撫張自德布政使徐化成修開封府  
城

明崇貞十五年闖賊決河水灌城城內悉爲潦  
水泥沙官民不能棲止署舍悉移外州縣至是  
雉堞一新氣象丕煥各門營建如舊制凡應祀

祥符縣志

卷五

建置  
城池

十二

廟宇共計整葺六座各守城門房共計修建一  
十五間始移各衙門於省會民居亦鱗集城鄉  
二十七年巡撫閻興邦修城樓

雍正十二年總督王士俊浚城外壕

乾隆四年巡撫尹會一修開封府城及五門城樓

滿洲城

康熙五十九年建滿洲城西北隅城高一丈蜈蚣  
架全圍五里零一百九十二步

門  
附

東關有二一在麗景門外一在仁和門外通泉  
浙江山東

南關在南薰門外通四川兩廣雲南貴州舊城  
下艱於行旅萬歷三十二年提學吳中明平治  
之

西關在大梁門外通京師山西陝西  
北關在安遠門外路渡黃河通山東入京師東路  
臨蔡關在縣東南三十里周顯德中濬開河入蔡  
河置關於此今淤土人仍呼其地爲關頭

祥符縣志

卷五

建置  
學校

十四

通津關在縣東北埽頭四十里周顯德中疏汴水  
入五丈河置關於此今淤

學校

唐

唐制浚儀開封二縣立經學博士助教各一人  
宋

宋建都立國子學大學武學律學算學無祥符縣  
學

金

明章煥修學碑記云余陟禹跡按輿圖知豫爲九州之中祥符又爲豫州之中祥符雖一邑藩省置焉內環八郡外絡八州實天下樞也余受命開府於茲八郡吏民咸來受成布憲發令悉從祥符始祥符者本中州風化所起也初余與督學大夫定議明道術育英才欲以風厲中州大夫數言學宮敝陋規制不稱不足以設教遂與藩臬及郡大夫往觀之出入堂戶陟降廟庭正路榛蕪棟折椽傾無以昭法象奉神靈低回

祥符縣志

卷五

建置  
學校

十八

嘆息者久之時方財用絀民力竭不欲煩有司乃躬爲調度其事以二月之吉卽工凡四旬而工畢辨方正位備物尙象首廟廡次堂齋左爲啟聖之祠右爲敬一之亭阿閣三重崇效天也鑿泮及泉卑法地也雙亭璧合二曜拱也周廬珠連列宿躔也神宮嚴闕法宇靚深肅然知聖道之尊崇炳焉覩聖訓之昭明曠兮若發矇焉若披雲萬象昭回五色成文高與嵩並深與洪河同濶中州之士咸忻忻以爲

落成之日余與諸大夫告成於廟及設爵於  
倫之堂而享之賔筵既設禮器具舉揖讓旅辟  
咸中規矩圓橋門而觀聽者以萬數余使人鳴  
鐸者三告諸生曰小子聽之是儀封人所見於  
夫子者也夫祥符古浚儀之境也夫子廟祀於  
斯二三子覲其形容久矣道之不明意者鐸音  
之未揚乎吾爲子振之又進祥符令告之曰昔  
者夫子爲中都宰而路不拾遺器不雕僞男女  
別途四方之諸侯則之中州宰亦猶是也夫子

之道具載方策吾爲子舉之有間揖諸大夫曰  
昔者孔子作春秋尊中國中國帝王所自立詩  
書禮樂之區也今祥符中國之中而禮讓未行  
教化未成詩書之澤斬焉無聞廟見夫子厥有  
媿心諸大夫何以助之夫祥符非獨令治也其  
學非獨二三子也余與諸大夫有帥先之責焉  
道不立則士不興學宮傳舍也官師弁髦也俎  
豆虛位也鐘鼓琴瑟虛器也其何有於二三子  
夫教不行於祥符何以令八郡况八州乎勉之

母令四方之諸侯失其準也諸大夫離席起曰  
然以示祥符令令以詔諸生諸生趨進拾級以  
升曰唯唯敬聞先生之命矣今而後知祥符之  
學也

萬歷八年知縣李天麟重修

三十七年知縣王鶴齡重修大成殿五楹東西廡  
各十楹戟門櫺星門各三楹啟聖祠三楹大門  
三楹明倫堂三楹講堂三楹進德修業二齋各  
五楹學署號舍共四十八楹尊經閣三楹射圃

祥符縣志

卷五

建置  
學校

二十

亭三楹

三十九年提學副使葉秉敬知府王之都知縣王  
鶴齡同建奎光樓

崇貞十五年悉沒於水

皇清

順治十一年知縣孫如林改建新縣治西

康熙二年署知縣張俊哲重修

劉昌修學碑記云吾汴邑庠舊在城之西偏宏  
廠壯麗與郡庠相爲伯仲傳沿已數百年明

因征南久不返父母揣其已死家貧欲嫁其妻萬元聞之僞爲其子家書云計日歸且侑白金八兩妻因不果嫁及張某歸疑妻有私數窘辱之萬元方白其事遂爲夫婦如初買雷姓子爲力聞其止一男焚券還之縣役張某者負官租逃官寘其妻子於獄萬元見之僞云子負張某債宜償六十金代完官租遂出其妻子于獄實與張某不識也子超辛卯舉於鄉授懷柔令

閻理字彝公祥符人性至孝父病骨寒捧父足以

祥符縣志

卷十五

人物  
孝義

一一二一

寢者七年母病湯藥必親嘗日夜侍床第及父卒哀毀踰禮廬墓三年太守管竭忠兩旌其閭子式鑛舉己卯鄉試

馬康俊祥符人明季黃水灌汴負母出避難江淮間顛躓困頓奉養無缺後歸故里飲食起居曲順親志終身無間康熙六十一年旌

高盛選字樸菴祥符人性至孝善承色笑候補光寺典簿以母年老不忍離終弗仕康熙六十

一年

可支乃請於撫憲尹公藩憲范公臬憲隋公道  
黃公胡公府憲張公俱命如議襄事遂於三  
年二月朔集僚屬紳士庀材鳩工趨事弗懈至  
三月望後工已落成一時禮殿講堂庫厨庖湏  
以及學師公署無不易圮就整觀瞻殊壯余既  
率邑人瞻禮拜畢而重有感也因告邑人曰昔  
者孟子遊梁首闡仁義而闢功利實在斯地又  
祥符卽古浚儀縣晉地道記云儀封人請見孔  
子卽此浚儀也於戲盛哉孔子之金聲玉振孟

祥符縣志

卷五

建置  
學校

一二十四

子之仁育義正胥萃靈於此遂開伊洛淵源中  
原文獻綿綿翼翼薪傳勿替學者循是而之焉  
仁義正途而外勿以功利龐雜其間則木鐸之  
振聾啟瞶寧越於此巽之所謂申命行事是也  
斯則文物聲明之大而趙宋太學人材又不足  
專美矣若 此實上官之教諸君子  
之力余何功之有焉邑人以爲然請壽諸貞珉  
余遂敷言之如此董其事者爲儒學教諭李君  
琰訓導翟君琨縣尉施君澤溥邑紳丁酉科舉

以干木明梁之卽魏也而能重魏者莫如  
陵君枉車騎於大梁市中救趙破秦存魏公子  
固人傑哉公子死秦遂韓及魏秦韓魏之深  
仇也能報仇者惟張子房博浪一椎祖龍禡魄  
佐漢所以鋤秦也而滎陽之圍微紀及周漢其  
楚矣高帝安得過大梁而爲公子置守塚哉宜  
祀留侯并贈太尉紀公御史大夫周公漢業中  
衰光武克復舊物從龍之臣率產豫土其發跡  
大梁者王霸堅鐔傳俊皆繪象雲臺而憂國奉

祥符縣志

卷五

建置  
書院

三十四

公惟刺姦將軍祭成侯雅歌投壺恂恂若儒生  
應當與文臣同祀也黨錮之禍李元禮一世龍  
門含冤北寺漢事不可爲矣其後徐元直寓新  
野薦武侯於昭烈得延炎漢之胙以元直之才  
終身不爲操畫一策忠孝克全與元禮同祀不  
亦宜乎薦武侯者元直而鞠躬盡瘁以扶漢室  
者武侯也侯之才駕子房而上晉唐以下誰敢  
步其後塵人知其隱於南陽臥龍岡在焉  
其先寓於考城哉考城昔屬大梁則武侯

樹勲周莊肅之清介關副使之罵賊擬於古賢  
寧少讓哉及乎未造劉文烈一門殉義邢兵憲  
父子捐生而僉臬李公太僕俞公一則碎骨鈞  
州一則死綏汴地勁氣英風又何烈也祀之豈  
有遺議哉曩者大梁有名撫祠亦已淪溺予旣  
重創之矣如于忠肅公以下及我

皇清吳佟諸公其勲猷垂史冊其廟食在大梁仍祀  
之書院非複也禮也合而論之自大賢卜子外  
得名賢百十五人或生於斯或仕於斯或寄跡

祥符縣志

卷五

建置  
書院

三十七

於斯立德立功與嵩同峻與河同深皆於大梁  
有光則進而祀之大梁書院後之繼起者有能  
與前人比跡亦從而配食焉以是傳之百世俾  
登斯堂者仰視棖題俯對几筵顧名思義縉紳  
知所則效子弟知所尊崇以之事君以之立身  
起於一方及乎八郡各祀其所當祀以修明釋  
奠釋菜之禮予方有厚望焉聽者僉曰善是祀  
也正而可法嚴而不遺且適合於大梁而惟以  
燹倫明教爲天下後世勸雖歷久不祧可也

三十五年巡撫李國亮移建於城西南隅周橋迤  
西古汴水經行處

卽今書院基址

五十八年恭懸

聖祖仁皇帝御書兩河文教匾額於講堂又巡撫楊宗

義建湯公祠於書院之左

祀 國朝湯斌

雍正八年積水傾圮

十一年總督王士俊布政使刁承祖重修

祥符縣志

卷五

建置  
書院

三十八

乾隆二年巡撫尹會一祀河南先賢於講堂

宋程顥程頤邵雍呂希哲尹焞謝良佐張繹劉

絢李籲朱光庭邵伯溫孟厚程迥元許衡姚樞

姚燧明曹端薛瑄閻禹錫王鴻儒許誥何塘崔

銑李承恩王尙綱尤時熙魯邦彥孟化鯉呂坤

楊東明楊澗徐養相王以悟張信民賀仲軾呂

維祺劉理順王慕祥 國朝孫竒逢湯斌耿介

張沐竇克勤張伯行冉覲祖凡四十五人

又刊刻宋朱子熹白鹿洞規條及元程端禮讀

書分年日程於課

梁書院

遊梁書院在城內西南隅本宋孟子祠萬歷三十一年巡撫方大美重修并設書院崇貞十五年沒於水

明方大美修祠設書院碑記云觀風之命攬轡中原顧瞻嵩河之遺首蒞大梁喟然嘆曰此孟軻氏遠應惠王幣聘之邦也庶幾哉仁義之

祥符縣志

卷五

建置  
書院

三十九

猶有存焉者乎又之衛睹淇水而興思曰洋洋乎此武公之耄而勤學詩人所爲賦淇澳也於前儒得邵伯雍焉爲之更飭其祠字奕如也及之周南而遡灑澗之流曰洋洋乎周公之所卜而定都者禾黍之嗟久矣千載而下有程伯淳兄弟者崛起以續孟氏之傳開道南之緒而今將安歸也無已於二先生祠加飭焉庶其有興乎之汝而思文王之化曰莪樸之遺教固在何譽髦之寥寥也之蔡而憶蔡仲之命曰邁迹誠

在我哉於謝良佐見其去一矜字焉今亡矣  
及之陳之宋則曰羲皇畫卦之迹遐哉邈矣後  
之言易者何紛紛也載考孔子絕糧伐木故處  
今儼然廟貌在焉豈不樹斯文之幟哉顧誰過  
而問之至是而巡歷所及車轍徧於中原之境  
矣乃還而稅駕於大梁焉以語於藩臬諸大夫  
曰世降道微聖賢不作樸散淳澆久矣向予觀  
於四境猶會省也今觀於會省亦猶四境也夷  
門豪俠遺韻尚存而仁義之風益渺矣如何挽

而昭揭之諸大夫起而應曰觀風設教惟先生  
職端軌齊物惟先生能僕輩第受成事已耳惟  
所命之予曰風俗之表倡在士人士人之興起  
在教化語云立的以示之標射者期焉設鑪以  
鼓之鑄頑者化焉樹標莫如崇賢善鑄莫如敬  
業孟氏仁義之學士人之標的也倘惠徼聖賢  
之靈羣子弟而講習之鑪冶之其中有頑金乎  
爲之柰何僉曰遊梁有祠以祀孟子其規制  
隘可撤而新也其學舍未備可創而構

則崇賢有義 備則敬業有所崇賢以示之  
敬業以鼓之鑄不亦可乎予曰善哉乃捐貲三  
百餘金檄有司鳩工而葺之中爲殿六楹仍祀  
孟夫子其上以萬章公孫丑諸弟子配前爲門  
題曰仁義之門又前爲門題曰遊梁祠仍其舊  
也殿之北建講堂六楹扁曰性善其東西各列  
號舍十八間以處諸生亦旣備矣然供億之費  
無從出也於是諸大夫各捐贖羨買地若干頃  
坐落祥符之某鄉歲收租銀若干貯之理問所

支給聽之守道循環報之本院著爲令甲至若  
督率必簡師儒教育務得英士學術一尊孔孟  
諸大夫均有師帥之寄不得諉焉吁嗟乎首善  
之地在省會教化之任在官司學問之宗在聖  
賢性善仁義之說固孟氏所以願學孔子而繼  
伏羲周文之統者也士患舍此弗學耳誠學者  
如衛武切磨之功耄而靡勸如兩程夫子之先  
識仁以誠敬存之殫上蔡切問近思之力究康  
節內聖外王之學濟濟彬彬入以表率乎鄉里

出以楨幹乎邦家俾後之觀風者曰中原古  
神名區今猶昔也猶歟休哉予於諸大夫今日  
作人之舉不有榮施哉是所望於諸來學者爰  
書之爲此祠記是役也首其事者不佞大美贊  
其成者方伯易君登瀛袁君奎憲長蔡君逢時  
大叅徐君卽登朱君思明憲副何君大化梅君  
守和憲僉延君論洎開封府太守馮君盛明董  
之者郡倅朱勤而知事薛國俊效奔走也例得  
並書云

祥符縣志

卷五

建置  
書院

四十一

皇清

順治十二年提學張天 知府朱之瑤改建開封  
府儒學明倫堂之後

康熙二十五年提學蔣伊重建於提學署之南并  
祀先賢於講堂

祀亞聖孟子及宋周敦頤程顥程頤張載朱子  
熹

二十八年巡撫闔興邦改書院爲名撫祠另建書  
院於府文廟北并祀先賢於講堂

亞聖孟子以下十一人

詳見碑記

春秋兩祭又選

孟子後裔孟尙義尙禮給劄奉祠

闔輿邦改建書院碑記云遊梁書院者所以祀孟子也孟子何以祀於梁以其始遊之地也始遊之地何以祀之蓋以孟子心契周孔之傳志切成康之盛欲以鎬豐伊洛之治復見之於梁也當戰國時燕齊秦楚之君競以功利相高此圖強兵彼誇富國於是儀秦髡衍之徒紛紜雜進抵掌華屋者下之取金玉錦繡上之亦不過

祥符縣志

卷五

建置書院

四十二

引其君爲齊桓晉文而止從未有望其君爲堯舜之君望其民爲堯舜之民者一自孟子遊梁而獨告梁王以仁義故於雪耻則教之以仁政於歲凶則教之以重農於沼上則教之以與民同樂耕桑樹藝是井田之本也庠序孝弟是學校之源也使梁王用其言得行其志安在唐虞三代之休風不再見於七雄爭勝之日哉然孟子之言終不見用於梁於是之齊之宋之薛之滕而孟子欲以仁義易梁之心則未嘗須

也故孟子雖不見用於梁而梁之君臣父子  
不聞仁義之言是以歷漢晉唐宋元明以至  
今而梁之人所以不後其君不遺其親者皆孟  
子之一言有以維持漸摩於其間也粵稽歷代  
帝王其尊崇孟子者或修其祀典或隆其封爵  
或錫其土田或廕其苗裔斯云盛矣欲求其獨  
標正學之宗遠紹危微之緒

親灑宸翰誦颺休烈未有如我

皇上今日褒嘉之至者也嘗恭誦

祥符縣志

卷五

建置  
書院

四十四

御製廟碑之言曰述舜稱堯私淑孔子正學修明百

世以俟又曰我讀其書曰仁曰義遺澤未湮聞

風可期煌煌

天語不獨表彰先哲而其所以爲世道人心計者誠

思深而慮遠矣今使其生平所歷之境不爲之

構其庭楹崇其禋祀不幾令大賢之遺澤泯滅

不彰而後世之敦詩說禮者無所景從是亦守

土者之責也浚儀昔有遊梁一祠始建於宋修

於 萬歷間改爲遊梁書院迨崇貞千午

水向之棖題堂構一望榛莽矣

皇清順治乙未始附於學宮室宇湫溢又不爲立  
守祠蓋名存而實亡也余以佔畢儒生幸際

右文之朝歲戊辰奉

命撫綏兩河仰承

聖天子崇儒重道至意敬爲卜地於貢院之東北捐  
資庀材鳩工重建大殿若干楹廊廡若干楹垣  
墉稱是中祀孟子配以高弟樂正克而以公孫  
丑萬章公都子屋廬連陳臻充虞諸賢從祀焉

祥符縣志

卷五

建置  
書院

四十五

至於漢太常趙岐宋龍圖閣學士宣公孫奭司  
空孔道輔明刑部尙書錢唐此四君子者皆有  
功於孟子而不愧古大臣之風者也例得並祀  
書院落成卽召此邦秀良子弟肄業其中使之  
明性善之源流識知能之本始悟孝親敬長之  
無事外求知養氣知言之由於正學且使排箝  
捭闔之輩不敢橫恣詖行邪說之徒於焉捫舌  
在國爲良臣在鄉爲善士於以黼黻昇平贊襄  
盛治歷千百年而勿替則是孟子一遊梁而人

心以正王道以明不與大禹之導河底洛同功  
萬世哉按孟子生於周烈王己酉歲二月初二  
日卒於周赧王壬申歲十一月十五日當以其  
日致祭於書院所以明崇德報功之意也是爲  
記

馮泌改建書院碑記云按豫通志遊梁祠在祥  
符縣治西南崇祀孟子自宋代始有明巡方御  
史方公大其規模立學舍置學田聚生徒而講  
習之兼爲養育人材地而標名遊梁書院云迨

祥符縣志

卷五

建置  
書院

四十六

我

朝蓋三遷焉大梁當黃河既灌之後開草萊而建學  
宮郡守朱公僅於府學明倫堂後署曰遊梁書  
院存其名爾已而學使蔣公 建遊梁書院於  
其署之南而顏其堂曰闢利然地褊向幽於制  
未善也開府闔公改建府文廟之北重門甬道  
堂廡巍然擬諸文廟齋房廩給一倣方公之遺  
聚生徒肄業其間而祀孟子於堂上以樂正以  
下諸子配享於是遊 書院制稱盡善矣視學

御史張公題其事較士案臨命爲之記愚惟古  
來聖賢豪傑或產於其地或遊於其鄉莫不有  
名勝之區以傳於後使人憑而弔之想見當年  
軼事以庶幾其爲人而動興起之思孟子當紛  
紛言利之日獨持仁義以正天下顧其遊梁爲  
生平出處第一事七篇開宗第一章王方曰利  
開口卽以何必曰利折之所以杜其言利之口  
攻其謀利之心使知利果不可以爲國而爲國  
者並不可以利爲言然後可以與言仁義也答

問間可想見其巖巖氣象焉今建書院於此奉  
以爲宗而俎豆之使夫人之由是門登是堂者  
不覺潛消其交征之萌而興其不遺不後之良  
則孟子之神化不儼然在乎其崇祀於梁也固  
宜且擬諸文廟而不以爲過者文廟建之  
朝廷達乎天下其爲制尊故其爲祀廣此則祀之者  
梁建之者開封其爲祀專故其爲制無嫌於侈  
方今  
天子巡幸吾豫御史公倘以是八告將裁自

睿慮者更有非常之舉於以光俎豆而興起人心又何如也夫如是則珥筆以記者當屬御史公矣三十三年巡撫顧汧布政使李國亮按察使胡介祉提學陳義暉糧驛道祖文明河道周銓開封府知府管竭忠各捐造齋舍三十餘楹又設斗級二名以備洒掃

聖祖仁皇帝昌明仁義匾額於正殿

乾隆三年巡撫尹會一懸王道爲昭匾額於講堂

祥符縣志

卷五

建置  
書院

四十八

四年糧驛道黃叔璥捐修正殿五楹東西廡各五楹及房舍門字坊表墻垣并增祀先儒知縣張淑載又撥給河灘地畝五頃以供公費  
時書院久未修葺多傾頽朽壞至是修之并增祀先儒韓愈又查給河岸馬家庄地方成字二區餘地四頃十三畝成字三區餘地八十六畝將所應八穀麥分爲十股三股爲修葺祠宇之費府學教授存貯關縣備用七股給奉祀生  
歲時朔望藝香供祭諸費及奉祀生養

明

二程書院在城東南二里繁臺南

卽舊大梁書院祀宋程顥程頤明末河水沒

皇清

康熙二十六年驛鹽分守道張思明重建改今名  
並祀先賢於殿廡

正殿祀宋程顥程頤東廡從祀門人張繹謝良  
佐游酢楊時劉絢李籲呂希哲范祖禹侯師聖  
朱光庭尹焞張天祺呂大防陳經邦陳經正呂

祥符縣志

卷五

建置  
書院

五十一

祖謙周行已謝天申王蘋李先之潘子文許景  
衡王巖叟周伯温暢大隱西廡從祀門人邵伯  
温呂大臨鮑若雨劉安世唐棣李參劉安節謝  
湜周孚先劉立之胡安國馬伸劉安止邵溥馮  
理楊迪晁以道朱發胡宿郭雍鮮于侁郭立之  
薛季宣孟厚戴述春秋兩祭

張思明重建書院碑記云天下王化之本莫大  
於學校而與學校相表裏者則惟書院其散在  
海隅者若濂溪二程橫渠紫陽之屬以資學人

講貫習復一時名公鉅卿奮起爲當世用不絕其輔翼巒宮爲菁莪棫樸之自出所關誠鉅也大梁之南繁塔吹臺間舊有二程夫子書院其創始歲月及後之廢興前記具載嘗攷聞見錄明季馮邱二公重加修葺課士其中一時大梁之士獲雋爲最盛此亦作人之明驗也無何九域飈迴三精霧塞流寇引河灌城此祠遂與汴之民居同歸淘汰蕩爲荒烟野蔓矣一自清寧再覩萬類昭蘇九市三衢久還舊觀而二程書

祥符縣志

卷五

建置  
書院

五十一

院顧猶委諸灌莽揆之育賢致治之意母乃實有缺乎今

聖天子加意右文表章正學俾所在郡邑鼎新文廟親臨闕里近又褒揚諸賢翊道之功分頒

宸翰遣錫程祠凡屬臣工敢不仰體余 梁言梁書院宜亟先鼎建爰捐貲新之非僅汴人士賔興之爲亦聊以示所向也聞之業精於勤古聖王之處士也使就閒燕其心安焉不見異物而遷焉故其教不肅而成今多士以績學纘言

職業而顧安於汨沒洄瀟剽賊傭賃之俗學  
必有所不忍斯祠旣復則誦習有地更擇良師  
友相與摩切於以咀精茹華操觚染翰翥鳳騰  
騫夫何難之有然學不如斯止也夫學以六經  
爲根柢以程朱爲繩尺由是發爲文章樹爲勲  
業爲偉人爲正士名著鼎彝功書史冊故足述  
也然必先自立志始志定而品彰焉如耕之有  
畔織之有幅斯畫然而不可紊今二程夫子非  
多士之鄉人乎耳濡目染素習其遺言懿行殆

亦先疇之畎畝高曾之規矩也誠使正誼明道  
一以兩夫子爲志不必刻畫衣冠亦趨亦步雖  
明銳通脫魁壘俊雄凡可以揚眉抵掌出所學  
以衣被海內皆 子之徒也德爲實德言爲實  
言功爲實功不朽之盛孰大於是若夫兩夫子  
造於營道之周而衍爲紫陽之朱啟後承先薪  
傳聖脉赫赫在人頌述間祭季通曰天生堯舜  
羲文不生孔孟不得二千年後不生二程亦  
士亦熟聞之余復何言是役也多士

目焉將興起其聽 被其心志宮牆皆  
保仰止卽高山庶余之意 不徒也工之經始  
落成及殿堂門廡若干 之碑陰其庀材鳩  
工悉出余資不以煩有 後之君子蒞斯土者  
塗墍丹雘踵事而增俾規制盡善嘉與汴之多  
士淬礪誦絃搏風耀影以襄

皇治之盛是則余拭目以俟者耳

崇正書院

明

祥符縣志

卷五

建置  
書院

五十四

崇正書院在縣治四兩令淤

東陂書院

明

東陂書院在麗景門 今淤

社學

附

明

本縣設社學凡五區東社 在大店街北中社學

在館驛街大路北西 在縣學西皮局西

社學共二處一 在市南黃家堂前一在

橋南王伯成衞衞

以上社學俱係成化二年設失考建置之人

義學一區在大梁門外丁字街路北係萬歷三十

四年設副使李貴和建置

宗學一區在鼓樓前聚宗生教之皆係周王府宗

室子弟

皇清

順治九年令每鄉各置社學一區

雍正元年令州縣於大鄉巨堡置社學一區

祥符縣志

卷五

建置  
社學

五十五

本縣舊設社學凡十九區在城者六一在大寧坊

一在新昌坊一在安業坊一在宣平坊一在雲

驥橋一在建隆廂在鄉者十三一在八角保一

在永安保一在東和保一在西和保一在窑務

保一在閑店保一在赤倉保一在時和保一在

長店保一在南毛保一在北毛保一在南神

保一在母寺保

以上社學 國初沿舊相設失考建置之人

建置之年後漸廢

本縣設社學又一區在城西南崖集孔子回車  
失考建置之人及建置之年

本縣設社學又二區一在朱仙鎮一在陳橋鎮乾隆二年巡撫尹會一檄行知縣張淑載建設又社學之外有社會之法巡撫尹會一檄行凡府州縣學各立社長用仁義禮智信五字於東西南北中立爲五社社分上下每社選端謹公直生員二人爲長約計大小中學文武生員多者以四百名爲率每社酌村舍毗連居址相近

者一社酌隸八十人上下社各糾其半社長之下又設齋長分隸之學師置勸善規過循環印簿四本循來環去分發上下社長每簿紙四十頁簽標某社上下勸規簿首行開列社長姓名以下開列齋長衆生姓名稍後大書善過條款再後寫各姓名各一頁填註廩增附武字樣除善過不形無可短長外善則朱書詳記過則墨筆直書每季月底齋長送社長社長呈送學師學師於下季月首十日內傳集諸生於明倫

